



PWYLLGOR CRAFFU ADDYSG

COFNODION Y CYFARFOD A GYNHALIWYD YN NHŶ PENALLTA, YSTRAD MYNACH
NOS FAWRTH, 5 TACHWEDD 2019 AM 5.30PM

YN BRESENNOL:

Y Cynghorydd C. Andrews – Is-gadeirydd (yn Llywyddu)

Cynghorwyr:

A. Collis, S. Cook, W. David, A. Farina-Childs, D. Hardacre, M. James, J.E. Roberts, R. Saralis, J. Simmonds ac R. Whiting.

P. Marsden – Aelod y Cabinet dros Addysg a Chyflawniad

Ynghyd â:

R. Edmunds (Cyfarwyddwr Corfforaethol – Addysg a Gwasanaethau Corfforaethol), K. Cole (Prif Swyddog Addysg), S. Richards (Pennaeth Addysg, Cynllunio a Strategaeth), P. Warren (Arweinydd Strategol ar gyfer Gwella Ysgolion), S. Evans (Ymarferydd Ysgolion Iach), P. O'Neil (Uwch-reolwr y Gwasanaeth Ieuencid), M. Jacques (Swyddog Craffu) a C. Evans (Swyddog Gwasanaethau Pwyllgor)

Hefyd yn Bresennol:

Aelodau Cyfetholedig: Mr M. Barry (Rhiant-lywodraethwr), Mr D. Davies (Cymdeithas Llywodraethwyr Caerffili) a Mr R. Morgan (Rhiant-lywodraethwr).

E. Pryce (Gwasanaeth Cyflawni Addysg) ac R. Simms (Gwasanaeth Cyflawni Addysg).

1. YMDDIHEURIADAU AM ABSENOLDEB

Cafwyd ymddiheuriadau am absenoldeb gan y Cynghorwyr P. J. Bevan, D. Havard, Mrs G. Oliver a Mrs T. Parry a Mr M. Western (Cynrychiolydd Comisiwn Addysg Archesgobaeth Gatholig Caerdydd), Mrs J. Havard (NEU) a Mrs P. Ireland (NEU).

2. DATGAN BUDDIANNAU

Datganodd y Cynghorwyr canlynol fuddiannau personol yn yr eitemau canlynol:

Datganodd y Cynghorydd C. Andrews fuddiant yn Eitem 8 (Protocol Rhanbarthol ar gyfer Ysgolion sy'n Peri Pryder a'r Gofrestr Risgiau) am mai ef yw Is-gadeirydd Llywodraethwyr Ysgol Gyfun Heolddu.

Datganodd y Cynghorydd R. Saralis fuddiant yn Eitem 8 (Protocol Rhanbarthol ar gyfer Ysgolion sy'n Peri a'r Gofrestr Risgiau) am ei fod yn Llywodraethwr Awdurdod Lleol yn Ysgol Uwchradd Islwyn.

Datganodd y Cynghorydd A. Farina-Childs fuddiant yn Eitem 8 (Protocol Rhanbarthol ar gyfer Ysgolion sy'n Peri Pryder a'r Gofrestr Risgiau) am mai ef yw Cadeirydd Llywodraethwyr Ysgol Gyfun Coed Duon.

Gan fod y rhain yn fuddiannau personol yn hytrach na rhagfarnus, nid oedd yn rhaid i'r Aelodau adael y cyfarfod, ac ni allent gymryd rhan yn y drafodaeth na'r bleidlais.

3. COFNODION – 24 MEDI 2019

PENDERFYNWYD y dylid cymeradwyo cofnodion cyfarfod y Pwyllgor Craffu Addysg a gynhaliwyd ar 24 Medi 2019 (cofnodion rhif 1 i 10) fel cofnod cywir ac y dylai'r Cadeirydd eu llofnodi.

4. YSTYRIED UNRHYW FATER A GYFEIRIWD AT Y PWYLLGOR CRAFFU YN UNOL Â'R WEITHDREFN GALW I MEWN

Ni chyfeiriwyd unrhyw faterion at y Pwyllgor Craffu yn unol â'r weithdrefn galw i mewn.

5. BLAENRAGLEN WAITH Y PWYLLGOR CRAFFU ADDYSG AM OES

Cyflwynodd y Swyddog Craffu yr adroddiad a amlinellodd Flaenraglen Waith Ddrafft y Pwyllgor Craffu Addysg o fis Tachwedd 2019 i fis Mai 2020.

Gofynnwyd i'r Pwyllgor nodi, ers i'r adroddiad gael ei gyhoeddi, y gofynnwyd iddo ychwanegu adroddiad ar Falansau Ysgolion at y Flaenraglen Waith ar gyfer 13 Ionawr 2020, ac ychwanegu Adroddiad Dechrau'n Deg Swyddfa Archwilio Cymru at y Flaenraglen Waith ar 24 Chwefror 2020.

Trafododd yr Aelodau y Flaenraglen Waith ac awgrymwyd, o ran diweddariad ar Uchelgeisiau a Rennir a Pherfformiad Cyfnodau Allweddol 4 a 5, y dylid ystyried yr eitemau hyn fel un adroddiad ar 13 Ionawr 2020.

Ar ôl ystyried hyn, cynigiwyd ac eiliwyd y dylid cymeradwyo'r argymhelliad yn yr adroddiad a'r newidiadau a gynigiwyd gan y Swyddog.

PENDERFYNWYD, yn amodol ar y newidiadau a nodir uchod, y dylid cymeradwyo'r Flaenraglen Waith a atodwyd i'r adroddiad.

ADRODDIADAU SWYDDOGION

Ystyriwyd yr adroddiadau canlynol.

6. CYFLAWNI PROSIECT PEILOT Y GWASANAETH IEUENCTID – ARDDANGOS Y MODEL GWAITH IEUENCTID A FFEFRIR

Darparodd yr adroddiad ddiweddariad i'r Aelodau ar y ffordd y mae'r Gwasanaeth Ieuenctid wedi cyflawni model peilot o fethodoleg gwaith ieuenctid, a ddechreuodd ym mis Tachwedd 2018, gan geisio barn yr Aelodau ar ganfyddiadau'r hyn a gyflawnwyd hyd yn hyn.

Nodwyd bod y Gwasanaeth Ieuencid, fel rhan o'i broses adolygu barhaus, wedi darparu model a ffeirir o ffordd gyffredinol o gyflawni gwaith ieuencid yn seiliedig ar fabwysiadu strwythur model tri chlwstwr yn 2018, gan gynnwys diwygiadau i'w bortffolio o glybiau ieuencid a phroffil y gweithwyr ieuencid rhan-amser a oedd yn cael eu cyflogi.

Yn dilyn hynny, dechreuodd y Gwasanaeth Ieuencid gyflwyno prosiect peilot cyfyngedig (o ran amser a'r ardal a oedd yn cael ei chwmpasu) er mwyn dangos yr anafteision i bobl ifanc a fyddai'n deillio o fabwysiadu model gwaith ieuencid diwygiedig mwy hollgynhwysol.

Mae'r prosiect peilot, a ddechreuodd ym mis Tachwedd 2018, yn parhau ar hyn o bryd – yn seiliedig ar y canlyniadau hyd yn hyn, mae ei gyfnod cyflawni gwreiddiol arfaethedig, hyd at fis Medi 2019, wedi cael ei ymestyn hyd at Nadolig 2019 a gellir gofyn am estyniad arall (er mwyn casglu rhagor o dystiolaeth) hyd at 31 Mawrth at yr un diben. Amcangyfrifir mai'r gost ychwanegol o gael estyniad hyd at 31 Mawrth fydd £15,000.

Mae'r prosiect peilot yng Nghanolfan Ieuencid Crosskeys, y cyfleuster ieuencid sef yr 'hyb' yn ardal Dwyrain Caerffili.

Nodwyd bod nod a gweithgareddau'r prosiect yn gyson â'r cyfarwyddyd proffesiynol yn y Strategaeth Genedlaethol newydd ar gyfer y Gwasanaeth Ieuencid yng Nghymru i alluogi pobl ifanc i ... 'gael mynediad at gyfleoedd sy'n gwella dysgu anffurfiol, ac yn eu helpu i ymgymryd â phrofiadau dysgu cymdeithasol, heb fod yn ffurfiol a mwy strwythuredig ... a thrwy'r rhain byddant yn meithrin cydberthnasau iach, osgoi arwahanrwydd ac unigrwydd, datblygu gallu cymdeithasol ac emosiynol, annibyniaeth, hunanreolaeth, hyder a gwytnwch.'

Gwahoddodd y Pwyllgor Craffu y Swyddog i ddarparu gwybodaeth ychwanegol, a nodwyd bod rhai o ganlyniadau llwyddiannus y prosiect peilot yn cynnwys cyfranogiad pobl ifanc o ardaloedd nas cyrhaeddwyd yn flaenorol, mwy o ymgysylltiad â disgyblion yn Ysgol Gyfun Rhisga, rhoi mwy o gyfleoedd ar gyfer achredu ar waith a chyrraedd pobl ifanc ag anghenion sy'n dod i'r amlwg, na fyddent wedi cael cymorth fel arall.

Cyflwynwyd astudiaeth achos fideo i'r Pwyllgor Craffu, a oedd yn cynnwys cyfweiliadau â phobl ifanc sy'n cymryd rhan yn y prosiect peilot, yn mynegi eu barn ac yn sôn am yr effaith y mae'r prosiect wedi ei chael arnynt. Roedd y Pwyllgor Craffu yn falch o nodi'r sylwadau cadarnhaol a fynegwyd yn y fideo.

Diolchodd y Pwyllgor i'r Swyddog am yr adroddiad manwl a'r cyflwyniad fideo ac yna cafwyd trafodaeth.

Gofynnodd un Aelod am eglurhad ar ystod oedran darged y cynllun yn ogystal â'r gwasanaeth cyfan. Esboniodd y Swyddogion bod y Gwasanaeth Ieuencid, gan gynnwys y prosiect peilot, ar gyfer pobl ifanc rhwng 11 a 25 oed. Gofynnwyd am ragor o wybodaeth hefyd am y gwaith a gynhelir ym mhob rhan o'r gwasanaeth gyda phobl ôl-16 oed sy'n agored i niwed. Esboniodd y Swyddogion fod arbenigwyr yn gweithio yn y gwasanaeth gyda'r nod o dargedu'r unigolion hyn a darparu'r cymorth angenrheidiol, ac yn ogystal, fod tîm Ôl-16 ar waith i gefnogi pobl ifanc sy'n gadael yr amgylchedd gofal a rhoi cymorth o ran addysg bellach, tai, cyflogaeth a chymorth cyffredinol o ran byw.

Wrth nodi'r canlyniadau llwyddiannus yn rhan 5.8 o'r adroddiad, gofynnodd un o Aelodau'r Pwyllgor am ragor o wybodaeth ynghylch y rhestr o asiantaethau yn 5.8.6. Esboniodd y Swyddogion fod y rhestr hon yn amlinellu nifer o'r asiantaethau yn y Gwasanaeth Ieuencid ac yn ardal leol Crosskeys y mae cydberthnasau gwell wedi cael eu meithrin rhyngddynt a'r gwasanaeth, a nodwyd nad oedd hon yn rhestr gyflawn ar gyfer y gwasanaeth cyfan, a'i bod ond yn benodol i'r prosiect peilot arbennig hwn. Roedd yr Aelodau hefyd yn awyddus i nodi bod y peilot wedi rhoi cyfle i feithrin cydberthnasau gwaith gwell ag ysgolion, gan wella'r cymorth a ddarperir i bobl ifanc ym mhob rhan o'r fwrdeistref, yn ogystal â'r rhai sy'n rhan o'r cynllun peilot.

Gofynnodd Aelod am wybodaeth ychwanegol mewn perthynas â'r ystadegau a'r data cymharol ym mhob rhan o'r fwrdeistref. Cytunodd y Swyddogion i gynnwys hyn a rhagor o ddata cymharol mewn adroddiadau yn y dyfodol.

Cafwyd trafodaethau ynghylch y staff ychwanegol sydd wedi'u cyflogi i gefnogi'r prosiect. Esboniodd y Swyddogion fod 2 aelod ychwanegol o staff yn cael eu cyflogi at ddiben y prosiect peilot ac, yn ogystal, roedd staff â sgiliau penodol o gynlluniau eraill yn cael eu defnyddio er mwyn staffio'r cynllun peilot yn briodol a gweithredu dull mwy cyfannol.

Roedd y Pwyllgor Craffu yn falch o nodi'r datblygiadau a oedd yn deillio o'r prosiect ac yn gofyn a oedd unrhyw fwiad i gyflwyno'r cynllun ym mhob rhan o'r fwrdeistref. Esboniodd y swyddogion fod y cynllun wrthi'n cael ei ddatblygu a'i adolygu, ac y caiff rhagor o waith ei wneud hyd ddiwedd y prosiect peilot i benderfynu a yw'n effeithiol ac a fyddai'n werth cyflwyno'r cynllun ymhellach. Byddai hyn hefyd yn destun rhagor o drafodaethau gan yr Aelodau a ffrydiau ariannu.

Cafwyd trafodaethau ynghylch Diogelu a'r defnydd o'r Gymraeg yn y prosiect hwn a phrosiectau ieuenctid eraill. Oherwydd natur newidiol gwaith ieuenctid, nodwyd bod llawer o aelodau o staff wedi cwblhau hyfforddiant ychwanegol ar Ymwybyddiaeth o lechyd Meddwl a Diogelu a bod Cyngor Caerffili ar flaen y gad o ran Profiadau Niweidiol yn ystod Plentyndod. Nododd y Pwyllgor hefyd fod cryn waith wedi cael ei wneud i gefnogi'r Gymraeg ym mhob lleoliad ieuenctid, ond mae hyn wedi profi'n anodd, hyd yn oed gyda chymorth gan asiantaethau allanol. Rhoddwyd sicrwydd i'r Aelodau fod y gwaith yn parhau yn y Gwasanaeth Ieuenctid a gydag asiantaethau partner i ddarparu gwasanaeth dwyieithog.

Ar ôl ystyried a thrafod, cynigiwyd ac eiliwyd y dylid cymeradwyo'r argymhelliad. Drwy godi dwylo, cytunwyd ar hyn yn unfrydol.

PENDERFYNWYD, oherwydd y rhesymau a nodwyd yn Adroddiad y Swyddogion, y dylai'r Pwyllgor Craffu Addysg nodi'r adroddiad.

7. DIWEDDARIAD AR URDDAS MISLIF

Darparodd yr adroddiad ddiweddariad i'r Pwyllgor Craffu ar gynnydd yn erbyn y cynllun gweithredu ar urddas mislif.

Darparodd yr adroddiad wybodaeth i'r Pwyllgor am y ffordd y defnyddiodd y gweithgor ar urddas mislif grant refeniw gwerth £13,206 gan Lywodraeth Cymru yn 2018/19 i roi cynhyrchion mislif am ddim i fenywod ifanc ym mhob rhan o'r fwrdeistref. Cyfeirir at y blaenoriaethau a nodwyd yn y Cynllun Gwella Gwasanaeth hefyd yn yr adroddiad. Roedd yr adran derfynol yn cyfeirio at achrediadau diweddar Gwobr Ansawdd Genedlaethol Ysgolion Iach.

Tynnodd Aelod y Cabinet sylw at y ffaith bod enw'r gweithgor wedi cael ei newid o 'Dlodi Mislif' i 'Urddas Mislif' ym mis Gorffennaf 2018 er mwyn lleihau stigma tlodi, a nodwyd bod pob disgybl uwchradd wedi cael ei wahodd i ddylunio logo urddas mislif Caerffili a bod sticer wedi cael ei greu o'r cynnig buddugol ac wedi cael ei roi ar bob blwch coch a ddosberthir.

Nododd y Pwyllgor fod Adfywio Cymunedol wedi cael gafael ar grant Treftadaeth ac wedi cyflogi gwneuthurwr ffilmiau proffesiynol o Gaerdydd i greu dwy ffilm fer am wybodaeth am urddas mislif, gan ddefnyddio disgyblion o Ysgol Lewis i Ferched ac Ysgol Gyfun Sant Cennydd. Cafodd y ffilmiau dwyieithog eu dangos am y tro cyntaf ar 20 Mehefin yn Nhŷ Penallta. Roedd y Prif Weithredwr dros dro ac Arweinydd y Cyngor yn bresennol. Yn ystod y digwyddiad, gwnaeth y Cynghorydd Philippa Marsden (Aelod y Cabinet dros Addysg a Chyflawniad) ymrwymiad i wario grant 2019/20 ar gynhyrchion ecogyfeillgar, cynaliadwy ac amlbro – yr Awdurdod Lleol cyntaf yng Nghymru a'r DU i wneud hyn.

Darparodd Aelod y Cabinet wybodaeth i'r Pwyllgor ynghylch y gwaith a wnaed i gynnig cynhyrchion ecogyfeillgar ac amldro. Nodwyd bod gwaith wedi cael ei wneud ar y cyd ag ymgyrchudd amgylcheddol i gefnogi disgyblion blwyddyn 9 i ddeall cynhyrchion amldro, megis cwpanau mislif ac effaith plastigion mewn cynhyrchion presennol, yn well.

Nodwyd bod Awdurdodau Lleol cyfagos a'r BBC wedi defnyddio model Caerffili i ddangos arferion gorau, a bod y Gwasanaeth Cyflawni Addysg wedi cynnwys gwaith mislif Ysgolion Iach yn y Pecyn Cymorth y mae newydd ei greu i ysgolion ar Addysg Cydberthynas a Rhywioldeb.

Defnyddiodd y gweithgor ar urddas mislif y grant refeniw gan Lywodraeth Cymru erbyn 31 Mawrth 2019 a darparodd gyfanswm o 134 o flychau o gynhyrchion mislif i leoliadau. Gwariwyd y swm llawn o £13,206 ar gynhyrchion. Yn ogystal, datblygodd y grŵp doiled urddas mislif Caerffili a chafodd dwy ffilm wybodaeth fer eu creu i fynd i fynd i'r afael â materion tlodi ac urddas.

Diolchodd y Pwyllgor Craffu i'r Swyddog ac Aelod y Cabinet am yr adroddiad ac yna cafwyd trafodaeth.

Wrth nodi 5.1.4 o'r adroddiad a'r defnydd darbodus o adnoddau a sicrhodd fod cynhyrchion yn cael eu darparu i leoliadau Addysg Heblaw yn yr Ysgol, canolfannau ieuencid, canolfannau cymunedol a llyfrgelloedd, gofynnwyd a allai sefydliadau ychwanegol fel y YMCA hefyd gael cynhyrchion. Esboniodd y Swyddogion fod telerau ac amodau penodol y grant wedi cyfyngu ar y sefydliadau a allai gael cynhyrchion, ond bod cysylltiadau cryf wedi cael eu meithrin ag ysgolion, colegau, llyfrgelloedd a chanolfannau cymunedol, ac y byddai sefydliadau ychwanegol yn cael eu hystyried pe bai cyfle yn y dyfodol.

Trafododd yr Aelodau y dyraniad grantiau a gwnaethant godi pryderon na fyddai'r dyraniad grantiau presennol yn ddigon i gynnal y gwasanaeth yn y dyfodol, a gofyn a ellid ystyried arian cyfatebol er mwyn gwneud y gwasanaeth yn gynaliadwy. Esboniodd y Swyddogion fod y cyllid a oedd wedi cael ei sicrhau ar gyfer 2020/21, sef tua £150,000, wedi cynyddu'n sylweddol, ond pe bai'r Aelodau am ystyried opsiynau ariannu ychwanegol, y gellid ystyried hyn, yn amodol ar y gyllideb sydd ar gael.

Gofynnodd un Aelod a oedd yr Hysbysiad o Gynnig gwreiddiol wedi arwain at wneud hyn yn Bolisi. Ar ôl trafodaeth hir, cytunwyd y dylid adolygu geiriad yr Hysbysiad o Gynnig gwreiddiol.

Yn olaf, gofynnodd y Pwyllgor Craffu am i'r fideos fod ar gael i'r Pwyllgor. Esboniodd y Swyddogion fod y rhain yn awr ar gael eto ar-lein, ers i'r cynllun gael ei lansio.

Ar ôl ystyried a thrafod, cynigiwyd ac eiliwyd y dylid cymeradwyo'r argymhelliad. Drwy godi dwylo, cytunwyd ar hyn yn unfrydol.

PENDERFYNWYD, am y rhesymau a nodwyd yn Adroddiad y Swyddogion, y dylai'r Pwyllgor Craffu nodi cynnwys yr adroddiad.

8. PROTOCOL RHANBARTHOL AR GYFER YSGOLION SY'N PERI PRYDER A'R GOFRESTR RISGIAU

Datganodd y Cynghorydd C. Andrews fuddiant personol yn yr eitem hon gan mai ef yw Is-gadeirydd Llywodraethwyr Ysgol Gyfun Heolddu.

Datganodd y Cynghorydd R. Saralis fuddiant personol yn yr eitem hon gan ei fod yn Llywodraethwr Awdurdod Lleol yn Ysgol Uwchradd Islwyn.

Datganodd y Cynghorydd A. Farina-Childs fuddiant personol yn yr eitem hon gan mai ef yw Cadeirydd Llywodraethwyr Ysgol Gyfun Coed Duon.

Gan fod y rhain yn fuddiannau personol yn hytrach na rhagfarnus, nid oedd yn rhaid i'r Aelodau adael y cyfarfod, ac ni allent gymryd rhan yn y drafodaeth na'r bleidlais.

Darparodd yr adroddiad wybodaeth i'r Aelodau am Brotocol Rhanbarthol Consortia De-ddwyrain Cymru ar gyfer Ysgolion sy'n Peri Pryder a'r broses Cofrestr Risgiau ategol, yn ogystal â diweddariad ar Ysgolion yn ardal Caerffili sydd wedi bod ar y Gofrestr Risgiau ers mis Ionawr 2019.

Mae Protocol Consortia De-ddwyrain Cymru ar gyfer Ysgolion sy'n Peri Pryder a'r Atodiad ychwanegol Ysgolion sy'n Peri Pryder – Gweithredu ar gyfer cyfarfodydd (Atodiad 1 yr adroddiad) yn rhan o'r model Cenedlaethol ar gyfer Gwella Ysgolion ac yn gyson ag ef. Darparodd yr adroddiad grynodedb o'r prosesau hyn ar gyfer cyfarfodydd mewn ysgolion a'r gofrestr risgiau atodol ar gyfer Ysgolion sy'n Peri Pryder. Hefyd, darparodd ragor o wybodaeth am yr ysgolion yn ardal Caerffili a oedd ar y gofrestr.

Croesawodd y Pwyllgor E. Pryce a B. Simms o'r Gwasanaeth Cyflawni Addysg i'r cyfarfod a chawsant eu gwahodd i gyflwyno unrhyw sylwadau ychwanegol am yr adroddiad.

Darparodd y Pwyllgor grynodedb manwl o'r adroddiad a'r Ysgolion yn ardal Caerffili a oedd ar y Gofrestr Risgiau ar 3 Hydref 2019, ynghyd â chrynodeb o'r cynnydd, gan gynnwys a oes unrhyw ysgolion sy'n destun Hysbysiad Rhybudd cyfredol gan yr Awdurdod Lleol, sydd wedi bod yn y System Categoriaddio Cenedlaethol am fwy na thair blynedd neu sydd â statws camau dilynol Arolygiad Estyn.

Nododd y Pwyllgor Craffu yr ysgolion sydd wedi cael eu tynnu oddi ar y Gofrestr Risgiau ac y caiff cyfarfod nesaf y grŵp Cofrestr Risgiau – Ysgolion sy'n Peri Pryder ei gynnal ar 12 Rhagfyr 2019, a fydd yn adolygu'r cynnydd yn erbyn y camau gweithredu y cytunwyd arnynt gan yr Awdurdod Lleol a'r Gwasanaeth Cyflawni Addysg i gefnogi'r ysgolion a chytuno ar gamau gweithredu gofynnol yn y dyfodol. Yn ogystal, nodwyd y caiff ysgolion eu hychwanegu at y gofrestr risgiau a'u tynnu oddi arni, fel y bo'n briodol.

Diolchodd y Pwyllgor Craffu i'r Swyddogion am yr adroddiad ac yna cafwyd trafodaeth.

Mynegodd un Aelod nifer o bryderon am rai ysgolion a roddwyd ar y Gofrestr Risgiau ac sydd wedi bod yno am gyfnod hir a lefel yr ymyriadau a ddarparwyd i gefnogi'r ysgolion hyn. Yn ogystal, mynegwyd pryderon am gyrhaeddiad y disgyblion sy'n mynychu'r ysgol a roddwyd ar y gofrestr. Rhoddodd y Swyddogion sicrwydd i'r Aelodau fod cyrhaeddiad wedi gwella yn ystod y flwyddyn academaidd ddiwethaf a bod y canlyniadau yn y chwarter uchaf ar gyfer y rhanbarth. Yn ogystal, nodwyd bod nifer o resymau dros roi ysgol ar y Gofrestr Risgiau, gan gynnwys deilliannau Arolygiadau gan Estyn ac achosion o uno ysgolion uwchradd. Fodd bynnag, esboniwyd y gwneir cryn waith gyda'r ysgolion hyn ac y darperir cymorth drwy'r Awdurdod Lleol, y Cynghorwyr Herio a rhannu arferion gorau.

Wrth nodi adran 5.5 o adroddiad y Swyddogion a'r defnydd o dystiolaeth feintiol ac ansoddol ynghylch perfformiad ysgolion, mynegwyd pryderon am y newidiadau i adroddiadau am berfformiad a'r ffordd y gellir adnabod ysgolion sy'n peri pryder heb wybodaeth rifyddol. Esboniodd y Swyddogion y cesglir data perfformiad fel yn y gorffennol, ond na ddefnyddir y wybodaeth hon i lywio adroddiadau i rieni ac ati mwyach. Fodd bynnag, bydd yr ysgolion, yr awdurdod lleol a'r Llywodraethwyr yn ei defnyddio i fonitro perfformiad ysgolion. Ychwanegodd y Swyddogion y pennir targedau ansoddol a rhifyddol fel rhan o'r Cynllun Datblygu Ysgol, a fydd ar gael i'r rhieni ac a fydd yn darparu gwybodaeth ychwanegol am berfformiad. Prif nod y newid o ran cyflwyno adroddiadau am ddata fydd darparu ffocws cliriach ar gynnydd y disgyblion yn yr ysgolion.

Ar ôl ystyried a thrafod, cynigiwyd ac eiliwyd y dylid cymeradwyo'r argymhelliad. Drwy godi dwylo, cytunwyd ar hyn yn unfrydol.

PENDERFYNWYD, oherwydd y rhesymau a nodwyd yn Adroddiad y Swyddogion, y dylai'r Pwyllgor Craffu Addysg nodi cynnwys yr adroddiad.

Daeth y cyfarfod i ben am 7.25pm.

Cymeradwywyd y cofnodion fel cofnod cywir, ac yn amodol ar unrhyw ddiwygiadau neu gywiriadau y cytunir arnynt ac a gofnodir yng nghofnodion y cyfarfod a gynhelir ar 13 Ionawr 2020, cawsant eu llofnodi gan y Cadeirydd.

CADEIRYDD